

溫公文集

第一
卷
十
冊

司馬溫公文集卷二十八

山右督學使吳時亮元亮甫發刻

平陽府知府劉餘祐

平陽府推官白楹

夏縣知縣王彥葵仝發刻

運司學生員馬步美仝訂

章奏二十六

諭責降劉述等劄子

熙寧二年八月十一日上

臣竊聞知雜御史劉述集賢校理丁諷審刑詳議官

王師元皆以執守謀殺刑名差官取勘侍御史劉琦
錢顥皆以論列政府公事除員外郎降監酒稅中外
聞之無不驚愕臣聞孔子曰守道不如守官孟子曰
有言責者不得其言則去此古今之通義人臣之大
節也彼謀殺已傷自首刑名天下皆知其非今朝廷
既違衆議而行之又罪守官之人臣恐重失天下之
心也夫繼食鷹鷂求其鷙也鷙而事之將何用哉陛
下踐祚以來待臣下以寬仁至如皮公弼陛下明知
其貪闇充國陛下明知其猥也二人皆以知縣權發

遣三司判官公事及得罪而出皆然知今時黷所
坐不過狂直止以迂犯大臣遂降爲監官然則狂直
之罪重於貪猥得罪大臣甚於得罪陛下也臣不勝
拳拳竊恐來者側目箝口以言爲諱言福移於臣下
聰明有所壅蔽非國家之福也臣備位近臣親被明
詔觀朝廷政事之關不敢不言伏望聖慈深察愚衷
早賜指揮赦劉述等更不取勘其劉琦等別除一般
資序差遣庶無相息群議取進止

再舉諫官劄子

熙寧二年十
月七日上

臣昨日面奉聖旨令臣採訪可任諫官者密具姓名
聞奏臣竊見龍圖閣直學士陳薦舊事陛下於藩邸
其忠厚質直陛下必素知之直史館蘇軾制策入優
等文學富瞻曉達時務勁直敢言職方員外郎王元
規自少至長志操堅正所居之官皆著風迹集賢校
理趙彥若師民之子強學懿行不臧於父平居恂恂
如不勝衣遇事剛勁人莫能奪此四人者臣所素知
竊謂可備諫職伏乞聖明更賜裁擇取進止

乞優賞宋昌言劄子

熙寧二年十
月七日

臣聞國家大政在於賞罰若賞罰明當功無不成臣
去冬奉勅與張茂則相度二股河及生隄利害當時
都水監丞宋昌言建議欲於二股河口西岸新灘上
置立上約樺欄水勢令入東流候向去東流漸深北
流淤淺即閉塞斷北流放出御河胡蘆河下流以除
恩冀深瀛以西諸州軍水患臣等因得其言尋具此
利害奏聞蒙朝廷聽許令修置上約自後昌言同列
從舉脩生隄者以策非已出百端沮毀以爲二股河
可成不如併力修生隄及李立之赴關上殿所

言陛下所親聞也。賴陛下聖明斷在不疑，必使之脩
舊上約。今秋擬欄得水勢一併入東流，其北流尋已
閉斷。雖頗漂溺，損近東滄德等州民田廬舍。然恩冀
深瀛，以西州軍蒙利亦爲不少。其宋昌言不可謂之
無功。今若與同列稱二股河不可成者一例受賞，臣
竊恐當官之人覩之無所沮勸。况昌言因去歲職當
在外河決，棗強獨奪一官。今若止復舊官，則是衆人
受賞而昌言獨不得賞也。設使歸者簡置，上約不成
或背了二股併入北流，其同列豈肯分昌言之罪伏

望聖慈察昌言建議之功特與發遣官外更與量役
之人等第別加酬獎庶使向去用心向公者知朝庭
必不負之也取進止

丹元資蔭人試經義劄子

嘉慶三年二
月六日上

臣先曾起請應資蔭出身人初授差遣者更不試詩
只交審官院流內銓試本經論語大義共三道仍令
判臣條更將所對義面加詢問若義理精通者特
留明闈奏優與差遣稱通者依常調不通者且令俟
周年外再試必預試中方得出官若年四十

制只寫家快讀律自後不蒙朝廷施行
至今未嘗有官院編見資蔭人初授差遣者令試
一首實爲無益不惟其間有體面者假手於人徒
爲姦僞就使自作詩得如曹劉沈宋其於立身治民
有何所用古者二帝三王皆立太學之官以教公卿
大夫子弟其故何哉蓋以其人將嗣守官業苟無德
行道藝則必害及於民體也今若欲使公卿大夫子
弟盡肄業於太學則其父兄不常在京師固難齊宣
若但使之習業於家而考核於初授差遣之際業不

習者不得出官則不煩勸督而人人自勉於學矣此
乃事之易行者也嚮若使之盡通詩書禮樂則中
以下或有所不及今但使之習孝經論語儻能盡基
年之功則無不精熟矣此乃業之易習者也然孝經
論語其文雖不多而立身治國之道盡在其中就使
學者不能踐履亦知天下有周公孔子仁義禮樂其
爲益也豈可與一首律詩爲比哉臣竊以爲茲事用
力不勤更張甚易而爲益稍大別無所損伏望聖慈
詳察或有可取乞檢臣前奏特賜施行取進止

乞不揀退軍置淮南劄子

熙寧三年二月十一日上

臣竊聞道塗之言未審虛實或云朝廷欲揀在京禁軍年四十五以上微有呈切者盡減下請給并其妻孥徙置淮南以就糧食若實有此議臣竊以爲非宜何則在京禁軍及其家屬率皆生長京師親姻聯布安居樂業衣食縣官爲日固久年四十五未爲衰老微有呈切尚任征役一旦別無罪負減其請給徙之淮南是橫遭降配也諸軍之內沙汰甚多必恐人情惶惑太致愁怨雖國家承平無事綱紀具張此屬恟

恂不安亦無能爲患然詔書一下若萬一有道路流言驚動百姓朝廷欲姑務省事復爲收還則頓失威重向去無以復號令諸兵若遂推而行之則衆怒難犯專欲難成意外之變不可不防梁室分魏博之兵致張彥之亂此近事之可鑑者也故臣願朝廷更當深思熟議未宜遽下此詔也夫水未至而虛爲之防水雖不至亦無所害謂水不足憂而不爲之防一旦水至則防無所及矣故君子貴於思患而豫防之也且國家竭天下之財養兵征其土本欲備禦邊陲今

淮南非用武之地而多屯禁兵坐費衣食是養無用
之兵實諸無用之地也又使邊陲常無事則已異日
或小有警急主兵之臣必爭求益兵京師之兵既少
必須使者四出大加召募廣爲揀選將數倍多於今
日所退之兵舊兵尚請衣糧未去而新兵更添衣糧
是棄已教閱經戰之兵而收市井蚘蝨之人本欲減
冗兵而冗兵更多本欲省大費而大費更廣竊恐非
計之得者也臣愚伏願朝廷且依舊法每歲減禁軍
有不任征戰者減充小分小分復不任執役者放充

百姓聽其自便在京居止但勿使老病者尚占名籍
虛費衣糧人情既安於所習皆無怨嗟國家又得其
力用不爲虛設冗兵既去大費自省在理甚明於事
爲便臣備位近臣茲事繫國安危不敢不言取進止

辭樞密副使劄子

熙寧三年二月十二日上

臣准門告報已除臣樞密副使續准勾當御藥院
陳承禮傳宣令臣卽今受勅告者臣賦分樸愚不通
時務近日以來加以衰疾恪居舊職猶恐隳敗况乃
拔擢待之不次竊惟宥密之地日侍訏謨內訓六師

外撫四海用人當否繫國安危豈臣無似所能堪稱
伏望聖慈更擇賢材俾居其任聽臣且守舊職取進
止

辭樞密副使第二劄子

熙寧三年二月十二日上

臣准勾當御藥院黎永德奉宣聖旨令臣即今入見
者臣屢違嚴詔當伏重誅但以聞命以來揣分已熟
自幼及長頗讀經史捨此之外一無所長當世之務
情不通曉常日置之閑官僅脫曠敗尚以屬文不工
剗劇非長翰林審官每欲辭免况於樞府要地任重

責大一日失職則死及之臣雖至愚粗知自愛陳力就列古人所躋是以寧冒違詔之罪不敢當竊位之譏伏望聖慈察其惓款決非虛飾特賜寢罷新命止守舊職天地更生之惠下臣莫大之幸也取進止

辭樞密副使第三劄子

熙寧三年二月十九日上

臣前者兩曾辭免樞密副使未奉俞旨竊慮區區之誠未能上達須至詳悉復有奏陳臣聞人之材性各有能有不能人主量材然後授官人臣審能然後受事是以官不曠而事無敗也臣幸生承平之時家世

爲儒臣自髫髻至於弱冠杜門讀書不交人事仕宦
以來多在京師少歷外任故於錢穀刑獄繁劇之務
皆不能爲况於軍旅固所不習獨於解經述史及以
愚直補過拾遺不避怨怒則庶幾萬一或有可取是
以每於拜官之際辭所不能而不辭其所能鄉者除
開封府推官以繁劇曾辭後除脩起居注知制誥翰
林學士以文采不工曾辭除龍圖閣直學士以久在
諫職無效曾辭再除翰林學士兼侍讀學士以言事
未了曾辭除史館修撰以方修資治通鑑恐朝廷修